



Samtök sveitarfélaga á Vesturlandi  
Bjarnarbraut 8  
310 Borgarnes

UMHVERFIS- OG  
AUÐLINDARÁÐUNEYTIÐ

Skuggasundi 1 101 Reykjavík  
sími: 545 8600 postur@uar.is  
umhverfisraduneyti.is

Reykjavík 10. desember 2020  
Tilv.: UMH20040040/8.11

Ráðuneytinu barst erindi frá Mosfellsbæ þann 3. apríl sl. og Seltjarnarnesbæ þann 5. maí sl. varðandi mögulegar breytingar á heilbrigðiseftirlitssvæðum. Í erindunum var þess farið á leit að kannaður yrði möguleiki á því að Heilbrigðiseftirlit Kjósarsvæðis yrði lagt niður í núverandi mynd og sameinað eftirlitssvæði Hafnarfjarðar- og Kópavogssvæðis eða að gerðar yrðu aðrar breytingar þannig að áður nefnd sveitarfélög yrðu ekki lengur hluti af Heilbrigðiseftirliti Kjósarsvæðis.

Samkvæmt 44. gr. laga nr. 7/1998 um hollustuhætti og mengunarvarnir skal ekkert sveitarfélag vera án heilbrigðiseftirlits. Landinu er skv. 1. mgr. 45. gr. laganna skipt í eftirlitssvæði og skal heilbrigðisnefnd, kosin eftir hverjar sveitarstjórnarkosningar, starfa á hverju svæði. Í hverri nefnd skulu eiga sæti sex menn, fimm kosnir af hlutaðeigandi sveitarstjórnnum, þar af skal einn vera formaður, og einn tilnefndur af samtökum atvinnurekenda á eftirlitssvæðinu. Ráðherra getur skv. 3. mgr. 45. gr. laganna, að höfðu samráði við hlutaðeigandi sveitarfélög og að fenginni umsögn Umhverfisstofnunar, kveðið á um sameiningu eftirlitssvæða í reglugerð.

Í samtölum ráðuneytisins við hlutaðeigandi sveitarfélög sem og í umsögnum Umhverfisstofnunar og sveitarfélaga hefur komið fram að á sökum þess hvaða skyldur hvíla á heilbrigðiseftirlitsnefndum samkvæmt lögum væri óæskilegt að sveitarfélagið Kjósarhreppur stæði eitt að Heilbrigðiseftirlitssvæði Kjósarsvæðis og sveitarfélagið hefði hag að samvinnu við önnur sveitarfélög við heilbrigðiseftirlit. Rök hníga frekar að því að Kjósarhreppur yrði hluti af Heilbrigðisnefnd Vesturlands og Seltjarnarnes og Mosfellsbær hluti af Heilbrigðisnefnd Hafnarfjarðar- og Kópavogssvæðis. Það kom líka fram skýr vilji frá Kjósarhreppi um að sameinast til vesturs ef af breytingu yrði þar sem það hentaði vel landfræðilega og verkefnalega séð. Samband íslenskra sveitarfélaga, Samtök sveitarfélaga á Vesturlandi og Matvælastofnun hafa tekið undir þessa skoðun. Ráðuneytið ræddi auk þess óformlega við framkvæmdastjóra Heilbrigðiseftirlits Hafnarfjarðar- og Kópavogssvæðis og framkvæmdastjóra Samtaka sveitarfélaga á Vesturlandi. Þá kynnti ráðuneytið málið fyrir atvinnuvega- og nýsköpunarráðuneyti þar sem matvælalöggjöfin heyrir undir það ráðuneyti og fékk í framhaldi af því, eins og að framan greinir, afstöðu Matvælastofnunar til málsins.

Í september sl. óskaði ráðuneytið eftir afstöðu allra sveitarfélaga á Vesturlandi, þ.e. Akraneskaupstaðar, Snæfellsbæjar, Hvalfjarðarsveitar, Stykkishólms, Borgarbyggðar, Dalabyggðar, Helgafellssveitar, Grundarfjarðar, Eyja- og Miklaholtshrepps og Skorradalshrepps, um þann möguleika að Kjósarhreppi yrði bætt við starfssvæði heilbrigðiseftirlitssvæðis Vesturlands. Í sameiginlegu bréfi Heilbrigðiseftirlits Vesturlands og Samtaka heilbrigðiseftirlitssvæða á Vesturlandi

til ráðuneytisins, f.h. allra sveitarfélaga sem standa að Heilbrigðiseftirlits Vesturlands, dags.7. október 2020, kemur fram að eftirlitið hafi aðsetur í Melahverfi í Hvalafjarðarsveit, þar starfi þrír heilbrigðisfulltrúar að framkvæmdastjóra meðtöldum, svæðið liggi landfræðilega vel að Kjósarhreppi og viðbragðstími, svo sem vegna mengunaróhappa og annarra mála gæti verið stuttur yrði að sameiningu. Heilbrigðiseftirlitið nái til 10 sveitarfélaga og hafi eftirlit með 900 eftirlitsskyldum fyrirtækjum. Fjölgun fyrirtækja, ef af sameiningu yrði, yrði óveruleg eða um 40 fyrirtæki. Framkvæmdastjóri sé staðkunnugur fyrirtækjum í Kjósarhreppi sem gæti auðveldað sameiningu við heilbrigðiseftirlitssvæðið. Sveitarfélögin sem eiga aðild að heilbrigðiseftirlitssvæði Vesturlands eru tilbúin til viðræðna við Kjósarhrepp og umhverfis- og auðlindaráðuneytið um að Kjósarhreppur verði bætt við eftirlitssvæðið.

Hér með er óskað eftir því að sveitarfélögin á Vesturlandi og Kjósarhreppur hefji viðræður um að Kjósarhreppur bætist við heilbrigðiseftirlitssvæði Vesturlands. Sé óskað eftir þátttöku ráðuneytisins á fundum er Samtökum sveitarfélaga á Vesturlandi og/eða Kjósarhreppur beðin um að koma þeirri ósk á framfæri við ráðuneytið. Þá er óskað eftir því að ráðuneytið verði upplýst sem fyrst, og eigi síðar en 16. desember nk., um þann tíma sem sveitarfélögin telja sig þurfa til að komast að niðurstöðu.

Ráðuneytið hefur sett upp meðfylgjandi drög að reglugerð um sameiningu eftirlitssvæða á grundvelli laga nr. 7/1998 um hollustuhætti og mengunarvarnir.

Ráðuneytið bendir á að það hyggur ekki á breytingu nema Kjósarsvæði, sbr. 10. tölulið 2. mgr. 45. gr. laga nr. 7/1998 um hollustuhætti og mengunarvarnir, verði lagt niður. Að öðrum kosti mun fyrirkomulagið vera óbreytt og mögulegar breytingar fyrst koma til umræðu við endurskoðun laga um hollustuhætti og mengunarvarnir.

Fyrir hönd ráðherra

Steinunn Fjóra Sigurðardóttir

Sigurbjörg Sæmundsdóttir

Ljósrit: Sveitarfélög á Vesturlandi  
Heilbrigðisnefnd Vesturlands  
Heilbrigðisnefnd Kjósarsvæðis  
Samband íslenskra sveitarfélaga  
Samrit: Kjósarhreppur